



UNIVERSITÄTS-
BIBLIOTHEK
PADERBORN

**Scientia Salvit̃s, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

236. feria 6. de mortificatione Odoratûs.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

424 FERIA 6. DOMIN. 9. POST PENTECOST.

MEDITATIO CCXXXVI.

FERIA 6. DOMIN. 9. POST PENTECOST.

De mortificatione Odoratûs.

Vldebo Dominum JESVM in Calvario inter cadavera gravi odore vexatum. Petam amore ejus mortificare odoratum meum.

Conf. 1. Fœtorem ignis æterni, aut purgatorij, quem toties promeritus sum; deinde odorem suavitatis, quam accipit Dominus meus in minima, v. g. odoratûs mortificatione. Egône hunc gustum DEO negem? Plus myrrhæ, plus meriti. Quôdve magis naturæ repugnat, majoris est gloriæ. Dominus meus minima patientiæ in pretio habuit, & acetum, quo potandus erat, è sordido instrumento, spongiâ projectâ inter feralia instrumenta, sumpsit, voluitque patientiæ voluptate saginari. Nemo meliùs agit, quàm qui moribus Christi mortificati est similior.

Conf. 2. Actiones mortificationis Odoratûs sunt: 1. Linteola, interulas, & similia odoribus perfuse, aut non admittere, aut saltem in meum usum non assumere. 2. Reliquiaria, quæ mecum gesto, ob prætextum venerationis Sanctorum odorum suavitatem non replere, sed odoramentis relictis eas decenter deferre. 3. Modicas cordis aut cerebri imbecile.

Peria 6. Domin 9. post Pentecost. 425

imbecillitates assiduâ bonorum odorum gestatione non curare, sed alijs remedijs, quæ minimè lasciviam redoleant, necessitati meæ providere. 4. multò minùs curiositatis, aut oblectationis gratiâ vestes, aut locum, ut suave quid redoleant, permittere, ne me aut pudicum minùs, aut certè minùs cautum esse prodant. 5. Cùm necesse fuerit ad animarum salutem, aut ad aliquod pium opus gerendum graveolentiam sustinere, eam fortiter perferre, nec propter hanc molestiam ministeria charitatis omittere. Denique nihil tam parvum est bonâ intentione factum, ex quo specialis non sequatur profectus, neque ullus quidquam tam parvum negligit, unde non incurrat meriti detrimentum, ait Dominus S. Gertr. Lib. 4. c. 5. o.

MEDITATIO CCXXXVII.

Sabbato Domin. 9. post Pentecost.

Quomodo B. Virgo excelluerit in mortificatione sensuum.

Aspiciam B. Virginem in motionibus corporis, usu linguæ, oculorum, auditûs, gustûs, odoratûs, moderatissimam, Filiòque Dei, ac sui simillimam. Petam eam imitari.

Cons. 1. Quàm profundè B. Virgo penetraverit, sequentes veritates. Præstare, ut Deus amet me amore ardentissimo, quàm
ut